

皇清文穎續編

皇清文頴續編卷二十九

賦

聖駕東巡恭謁

祖陵賦

謹序

董邦達

臣

聞聖王以孝治天下是以四海之內各以其職來祭蓋孝德所感罔有遐邇莫不尊親周禮大宗伯詳享帝享親之典而秣師掌四譯之樂者屬焉所謂通於神明光于四海孝之至也我

朝肇基遼陽奄有區夏

聖

聖繼承報本追遠緬思

先烈祭告

丹陵我

皇上繼序之八年告成祀事錫類施仁茲以十九年  
之秋復戒百官具輦輅恭奉

皇太后以往謁焉於時海宇清寧遠人賓服重譯絕

微奔走偕來本仁祖義之禮備而惇德允元之

義洽矣臣備員

禁近欣逢

孝治之隆未得趨蹌俎豆之旁作頌聲以播

光烈然鳧藻之私莫能自已謹拜手稽首而獻賦曰  
帝啟魚鈴揚

五葉之天聲樹元陳樞繼繼承承召隕藎以延禱曰

明德之惟馨配

圓壇以帖妥禩

太室以迎精四和既薦百順斯名乃純心之孔燠復  
殷禮之肇稱

神軒受祐

原廟告誠有至煩而不省荷申錫于無疆其對越之  
心蓋春秋以匪懈而不疏不數者則合天道以俱行  
歲大淵獻

皇帝巡東用特牛于

藝祖告狩典之成功拜

珠邱而薦祚皆聽觀之交通仁孝昭禮樂隆溱滋液  
沛麗洪和氣四達沖沖漶漶蓋希舉之曠典也而  
孝思不匱更有事于五卜之再重爾乃歲在闕逢日  
惟庚辛奉

慈寧而啟蹕詣東土以明禋於時海內有謚苗夏無  
塵蠖飛輿動外屬內馴雖圖籍所未隸界絕而不鄰  
莫不回面景附望斗而稱臣於是肆觀羣僚廣沛

恩綸詔天鈞而命駕兮屬壁壘以梁津命參旗而戒  
道兮屯宿衛于鈞陳八神奔而扈從兮振屬車之殷  
麟然後建辰旂張鳳蓋翳華芝拂羽旆星日照爛雲  
霓蒼靄龍旌九旂三辰作繪洪厯騁於天衢兮雷音  
震於無外環轂騎以清路兮齊七萃以騰驥聲和鸞  
以節步兮應佩玉之鏘鏘籠山絡野夫何旃旒邛偃  
之魚頡而鳥睂也梢雲切漢夫何中黃豹尾之勒分  
而翼張也隱隱隆隆千官景從凌高衍之坻嶠超紆

譎之崿嶮

駐蹕吉林王氣所鍾雲連萬壑翠沓千重屬窳七駟  
負弩五戎咸迎

鑾而舞蹈旋肅拜而呼嵩

帝曰俞哉無忘武功爰命司士晉秩酬庸乃命車徒  
駕言行狩迹人來告鬣鬣孔有維巨熊之蚺蛟時抵  
掌而擣首竿皮所不能捫叉簇所不能取中黃朱鬣  
所不能誘賁育戟手所不能禦我



皇乃援天弧飛神弩黃間滿引綠沉齊舉彼攀檻之  
雄姿早應弦而沒羽雖格獸于雲夢射蛟于江渚曾  
不足擬厥奮雄而方斯神武此所謂克詰戎兵以觀  
揚夫

烈祖者也爾其溯幽館閱豐垣鬱

興京之佳氣思初造之艱難遙指夫巫閭曉帆長白  
嶺岷環以渾同之脈迴以鳴綠之湍嶮溟鬱沸滇灑  
泮汗巨靈鼉鳳蛟龍結蟠蔥蔥鬱鬱萃爲大觀莫不

河山帶礪環拱乎

陵園乃相與垂神于蝸蛸之室明心于錙壇之宮靡  
薜荔以爲席兮折瓊枝以爲芳吸太清之流霞兮飲  
若木之露英將以契元符于冥漠肅禳假于靈承乃  
謁

丹陵孔惠孔時設皇邸舉洪頤陳玉瑞樹靈旗肆師  
築鸞典同誦詩庶官獻幣六祝陳詞揚戡定之大烈  
兮信累洽而重熙溯作求于世德兮昭丕顯之燕貽

我

皇于是惕志齋明遊神顧諟求陰求陽于彼于此  
我神山許許流水君之宗之曰時曰止此邠館之增  
其式廓所以受

帝社也築室翼翼是度是營體國經野適觀厥成此  
豐垣之四海攸同所以奏永清也仰福

帝居陽曜陰藏土圭測影終焉允臧有高山荒作之  
功焉蒲蓮星拱隆業樛槎成都成邑弼我不基有省

山通道之規焉於斯時也愾乎若見僂乎若聞聆嚮  
兮豐融普淖兮苾芬炎感黃龍燦訛碩麟秬鬯泔淡  
旨酒清醇靈迤迤兮降氤氲選巫咸兮延羣神儼暗  
靄兮莅清壇瑞穰穰兮委如山乃整貳轄揚飛軫羽  
蓋葳蕤葩瑤曲莖肅肅習習莅于

盛京爾其九達四衝屢閉連雲交貿萃處雜還紛紜  
旁周沃野畎別澮分黃童白叟抃舞詵詵倚裳連襪  
陷德咏仁內則度營室以表臬法紫垣以建宮左昭

文德右象武功關雎麟趾華闕朱堂匪雕匪刻式度  
式臧有嚴

崇政景耀煒煌于是延廣樂奏九成冠韶夏冒六莖  
鈞天奏疑雷霆管絃交作鐘鼓鏗鎗凡旄人所舞之  
樂鞀鞀所掌之音莫不合孤竹以間奏共空桑以和  
鳴庭燎晰晰臣工祁祁雲瞻

玉陛嵩呼

彤墀豐肴衍衍庖皤皤凍醴流澌溫酎躍波沛宮

父老笑言孔洽南陽故舊酣湑無譁雲飛揚兮雨滂  
沛天聲起兮雷鼓轟頌聲溢於寰中仁風暨于疆外  
乃結部曲整行伍月建牙旗日臨赤羽鵝鶴魚麗方  
圓規矩前後分勁左右成拒次和樹表陳師鞠旅旣  
收軍而會衆若電息而雲舉仁恩殫

皇威宣羣歡洽百禮虔承孝享以大順昭

聖德之體乾尊

祖敬

宗之義備而

聖神文武之事全矣

皇上乃覩衆庶之說豫樂福應之繁昌萃人文以化  
成麗景燁而道光行致賚于九扈溥燕譽于家邦先  
蠲租而賜復沛大澤之汪洋

錫從官以爵秩俾各勵夫官常然後動大輅遵康莊  
萬乘迴薄千騎騰驤波平滄海日出扶桑還我

神京雲擁天闈假于

太廟告厥成功

一人展孝穆穆皇皇普天率土助祭稱觴交閭雲屯  
陰羽風翔北燮丁令南諧越裳西被無雷東踰樂浪  
重舌九譯

闕下趨蹌如水朝宗如日當陽所謂合萬國之歡心  
以事

先王也於是三事岳牧之徒僉爾而進曰於皇

聖祖三莅遼陽謁



元官薦大房戛鳴球以格

祖綏眉壽以降祥

世宗奉藩代薦馨香逮萬幾之既總迺宵旰而未遑  
皇帝御極禮達樂行大禮再舉先後相望蓋述

聖祖之事而繼

世宗之志奕葉重光也乃作頌曰

維

清緝熙紹

聖緒兮

天作高山大啟宇兮世德作求單心源兮發祥流慶

崇

堦垣兮受釐承祉信厥對兮幽明合契杳旭卉兮

鼎湖龍氣隨軒黃兮我

皇繼序肅烝嘗兮吉蠲爲饗勤對越兮四海助祭踰  
窮髮兮遠至邇安懾聲靈兮願附版圖向太平兮元  
祀惟稱澤下逮兮降福無疆麗萬世兮

聖駕東巡恭謁

祖陵賦

謹序

紀昀

臣聞祭不欲數所以深致其尊嚴祭不欲疏所以時通其親愛祖功宗德必申報以精禋春禘秋嘗皆合符於天道聖人制禮其義詳矣至於柏城山殿闕千歲之金鐙儀馬靈衣護萬年之玉匣銜珠僊鳥精爽長存繞鼎天龍英風如昨姬宗受錄初傳祭畢之文漢氏修儀屢奏上陵

之曲凡以神軒殷薦撫弓劍而不忘原廟瞻依  
拜衣冠而申慕緣情制禮在古人未有常期因  
事告虔惟

聖主協其天則欽惟

皇帝陛下純心薦祚至孝通神肅肅雝雝已延禧於  
清廟元元本本更作頌於高山燕及  
皇天揚駿聲以昭德格于

藝祖告巡狩以明虔昔於癸亥之年

新移六御曾以仲秋之吉恭謁

三陵播

前烈而有光飲太和以示慶當其禮行樂達共浴願  
洪乃復愛著懋存彌懷對越但以

神宮靜謐非時不敢輕臨

雲闕森嚴無事不容數告洎今闕逢御氣歲陽回十  
幹之初闕茂司辰星紀際一周之候本天舉事  
將奏鼓以思成率

祖攸行用翁河而裒對克昌厥後緬懷幽館遺基時  
邁其邦復履壽邱舊邑精符有感織女星明州  
絡所經真人氣應

昊天其子三靈叶大順之符

先祖是皇百福答孔明之祀且夫帝王之孝在徧合  
其驩心昭格之原在克揚其大烈昔者

帝出乎震天符彰元鳥之祥人始於寅王氣兆蒼龍  
之野百靈受職降斗宿於黃神三尺親提耀炎

精於赤帝金枝結蓋開天而位正中央五弩垂  
芒闢地而威行東北挹婁勿吉全收三孽遺墟  
鞞鞬句驪盡隸二南舊域元狐授籙當年屢奮  
干戈白鹿呈圖今日莫非臣僕自熱河取道吉  
林纘舊服也燕犀冀馬天下稱雄火帝雲師

先皇教戰歌豳風之子貉公子爲裘吹渭水之非熊  
文王卜獵舞昭七德未忘開國威靈詩詠四黃  
不廢乘時講肄豺方祭獸弓矢斯張鳩始爲鷹

尉羅可設非唯以充乾豆備享祀于

神明實亦克詰戎兵用觀揚夫

光烈合圍十九繩

祖武也若乃黃祇孕氣肇王迹於神臯青帝含精闢  
奧區於吉土天地長男之位鬱津居尊山河兩  
戒之靈蜿蜒聚勢華胥神母實感虹生申甫名  
臣亦緣崧降流泉相度迹追築室之初喬嶽懷  
柔禮頌時巡之日望祀長白溯王業所由興也



至於書銜木鳳號渙

明堂竿揭金雞星空貫索引年尙齒示孝弟而涵  
柔賜爵蠲租宜民人而嘉樂根荄暢遂蕃釐宣  
德產之精風雨和甘滲漉達桐生之氣歌傳沛  
邑兒童俱奏三侯酒置南陽父老齊呼萬歲非  
所謂孝子不匱永錫爾類者耶况乎廟中境外  
仁孝同源神主民依天人合契流通一氣將舍  
識以知歸格被萬方自敷天之丕應虞廷饗保

王母貢其玉環周道尊親越裳獻其白雉

帝車東指兩都之馳道方通天馬西徠萬里之流沙  
已被正似鳴球來格感獸舞以徵祥亦如大糒  
是承載龍旂而恐後又所謂孝治天下不遺小  
國之臣者矣夫周書作訓禹迹方行商頌登歌  
湯孫奏假思文后稷推祖德於陳常明昭有周  
播王靈於式序莫不形容盛美震耀古今

臣幸

際

聖朝備員翰苑西崑載筆本緣文字蒙

恩東壁觀書惟以咏歌爲職其敢不竭其膚末揚我  
休明謹拜手稽首而獻賦曰

伊

世德之作求卜靈長之受祐襲氣母以斟元奠柔祇  
而拓宇推開基之有自周詠生民緬降福之無疆商  
歌烈祖

二京並建鴻都永峙於東西

九廟常尊世室不遷天文武道光玉券旣垂統於來  
茲

神闕珠邱宜薦馨於終古衍蒼牙之慶

帝系繇延彰紫氣之符

聖人作睹攝提合雜大揚

五葉天聲夔鼓龍旂克纘百年靈緒湖基豐邑曾殷  
禮之肇稱報本

橋陵乃鴻儀之再舉爾其炎帝司天赤駟載駕羲和

練日朱鳥方中驗六宿之鉤陳星辰指北占四維之  
天目

鑾輅巡東瑞節先行早戒期于舊國

安輿虔奉誓消夏於

行宮蓋昭德示和未舉明禋之盛而問安視膳已彰  
聖孝之崇則有司隸戒途土方樹舍萬騎趨趨七驪  
整暇

玉皇絳節雙龍夾轂以回翔

金母雲駢三鳥扶輪以上下至

行殿之崔嵬見旃裘之奔迓厥熬底貢爭看西旅之  
來我馬旣同適飭東都之駕若以荒遠之潛孚而昭  
本原之至化也於是津通析木地涉幽都躔分箕尾  
星帶龜魚井鉞參旗摩坎宮以東轉軫收房駟臨丑  
位以斜趨經過羲幕瓊城重拜雙雙之豹尾漸至白  
山黑水新瞻九九之

龍車大獮治兵時維八月陳師鞠旅

王用三驅貔虎熊羆赫矣聲靈之震疊風雲蛇鳥依然開創之規模夫其兩廣舒張六花奇正立萬馬而不嘶列八門而聽令象

祖宗之俟天休命也陣分鳥翼圍合魚麗方總干以山立俄鳴鏑以風馳象

祖宗之應運興師也弧直星狼芒摧天狗批蒼兕之千斤振奇鷁之九首象

祖宗之蕩滌九有也三品既登五豸斯取爰解網以

示恩咸止戈以有序象

祖宗之永清大定修文偃武也別有犀手成羣鯨波  
無際禮陳大獵橐楊柳以登蠡頌奏多魚取鱗鱗以  
供祭忽來忽往鼉鼉若駕其橋梁一縱一橫鸞鶴宛  
成其陣勢聚跋浪之雄材角凌波之精銳儼然見泛  
鴨綠蹙覺華而兩平東裔也爾乃臨產帑之長江環  
采珠之巨澤睇龍戰之大荒緬鷹揚之舊迹依稀水  
許亶父營居髣髴夕陽公劉卜宅穆懷



祖烈紆

清蹕於吉林遙答神休薦嘉筵於長白是蓋創業所  
由發祥斯在蟠地脉以尊嚴聳神峯而礪礪惟

聖帝之將興闕靈區以相待噶山有頌等於望秩燔  
柴祀事初行亦似先河後海乃發肅慎乃向遼陽周  
原騰騰殷土芒芒抵東北以回

鑾翠旌容裔指西南以移

蹕玉軼鏗鏘鴻雁聲多下千林之黃葉鯉魚風起落

九月之丹霜翠柏青松忽遙瞻夫

靈殿華旗芝蓋乃遠陟夫崇岡守以熊羆浮五雲於  
空濶望如龍虎接一氣於青蒼是

鼎湖之所在而烏號之所藏也

天子於是召宗伯命太常陳廣牡列大房以妥以侑  
或肆或將奉鬱金以裸地炳蕭火以求陽薦兩敦而  
親盥格

四聖於同堂推

始祖所自生則義通於禘當季秋而有事則禮近於  
嘗洞洞屬屬穆穆皇皇蓋溯若水之淵源重來告潔  
因追宗周之謨烈以次升香繼謁

福陵載瞻天柱肇承寶籙戰榆罔而興師怒奮天弧  
翦崇侯而整旅白旄黃鉞當年屢震

天威玉戚朱干今日猶陳武舞用大牲之吉絜爾牛  
羊宣廣樂之和置我鞀鼓畢然

太祖之指揮率土也

昭陵肅穆隆業嵯峨虎賁三千傳盟津之作誓降蕃  
十四憶貞觀之揮戈豐水攸同澤在都人士女昆臺  
既去功存大地山河蒼色角音拜

帝邱而如覲駢剛白牡躋

享殿而升歌穆然

太宗之功業不磨也斯時也祖義本仁化神氣盛萬  
國合歡

一人有慶禮成福備已符百順之名孝享吉蠲允協

九如之詠蓋

列祖經綸草昧貽此珠囊而

皇帝提挈天綱握其金鏡思

前烈於丕承感

遺模於執競愾聞僂見意蠲潔以常通崇

德報

功情纏綿而莫竟秋霜春露永懷十載之誠玉瓚黃  
流乃致一朝之敬由其馨香之昭事仁孝純深所以

典禮之重光後先輝映是知奮武揆文不遺藩裔觀  
民設教遠歷山川出紫塞之嚴關荒綏五百紆青羌  
之巨野道路三千木葉峯頭共瞻玉斧松花江上亦  
拜華旃固由宣

天子之聲明朔南俱暨實則推

祖宗之仁愛中外無偏至於

彤庭啟

丹詔傳天膏沛愷澤旣肆夏一歌

王風胥洽由庚既奏和氣畢宣祝保定者各鹿鳴之  
什式燕樂者咏魚藻之篇型仁讓者眉壽介公堂之  
酒蒙樂利者曾孫守原隰之田培本支於百世頌

天子於萬年又孰非推恩之所必及廣愛之有由然  
夫岡陵三壽祀先致祝於作朋河岳百神洽禮歸原  
於允保孝孫有慶集主祭之嘉祥上帝居歆荷配天  
之靈造詠徂賚於

皇王知受釐於

祖考不煩不怠萬福來同是繼是承

一人有道躋蔡邕一議未足測其精微光武三巡不能較其多少又何論元都洛北金莖碧瓦之尊崇法駕河東甲帳珠簾之祈禱乃作頌曰

寢廟迎神

圓壇配食四氣薦和九成象德如見如聞既匡既敕矧伊遺弓闕茲

靈域



精爽斯憑瞻依何極於皇

聖祖孝思維則三賁

鑾輿巡於舊國受福穰穰時萬時億

皇帝奉

先有嚴有翼松柏親瞻車徒再飭載執鸞刀載升黍稷肅肅其容愉愉其色

神保是饗馨香不忒

湛恩旁推祥和充塞侯甸要荒東西南北四海來祭

各以其職渺彼氏羌亦歸銜勒慕我

王道無反無側唐哉歌謠渾邪屏息抱蜀不言未戰

已克化馳若神孰窺孰測孝治旣昭萬理自得臣作

頌聲匪文匪飾樂石精鏤億年不泐

平定準噶爾賦

謹序

李中簡

乾隆十九年

皇上駕幸熱河受準噶爾降人

詔討其亂二十年三月大軍分道入皆風靡無敢蘇  
刃五月會於伊犁達瓦齊就擒準夷平竊惟準  
夷負固久自絕於天不悛大割我

皇上示以羈縻垂二十年然後收之以不戰定之以

崇朝

聖武大業澹然而成威惠所孚積累至深遠也

臣謹

拜手稽首而獻賦曰

維

大清受命

聖緒繼承德耀九有威暢四溟忽中外以視福靡荒  
遐而澹稜萬國元靜蕩侯休德敷天繹思率土受職  
東南一尉西北一侯森襟帶之環拱彙車書而輻輳  
若夫西域門戶遑中十部北幕藩翰五城保聚扼以

玉門陽關之重險表以葱嶺祁連之天作車師則屯  
更校尉瀚海則府開都護軼成算於往昔示懷柔於  
大度益我

朝臺岐肆征威信素著故大定以來不煩一矢之加  
而指臂驅者以十百數惟準噶爾始以有元遺隸竄  
伏西戎蠶食諸番怙遠自雄世濟梟獍之凶德長育  
胎卵於深叢伏稽

聖祖仁皇帝赫焉撻伐三駕窮邊兇渠授首藁街是

懸鑄功拖諾之高峯飲馬臚胸之深淵暨我

世宗憲皇帝騰太白發猙弧天戈一揮摧朽拉枯拍  
萋草之龜氓匪盡取而殲諸乃飭邊防乃裕國儲俾  
疆本以弱末畫寧人之遠圖我

皇上嗣位以來聿念白狼赤虺之多種也飲齧翹陸  
之易動也得之不足以爲富服之不足以爲勇則姑  
予以不加不臣以俟其沐和食恩而純誠自悚也夫  
何逆首篡竊自絕人理孽豎披猖效尤罔已跳踉呌

嗽以干天紀，脣吻反噬，角距還抵，親暱離析，潰若瘡，  
瘡倡義者款關而歌，孔邇聞風者內嚮而怨，遺已  
帝有閔焉，咨於在廷，非常之原，衆慮異情。

帝曰：懋哉！惟

天惟

祖宗愍遺緒，功以課予，成矧無辜，籲天避水火，其可  
以寧於是，合天人之謀，基萬變之策，信有孚之盈缶，  
觀豚魚之自格，沛陽春之雨膏，盪大漠之毒螫，曰汝

班第惟北軍是帥取彼罪人用申投畀曰汝永常惟  
西軍是將赫赫薄伐以靖我土疆爾乃飭方連於圖  
外出虎旅于禁中稟機宜於

丹陛載

明威以折衝雖有層冰之嵯峨將抗足而登之雖有  
弱水之漭漭將擐甲而憑之鸞鶴旣整龍鳥斯張旌  
旛戈鋌沛焉洋洋倚燕然之長劍抉朔雲而頓開吹  
輪臺之曉角盪流沙以西額乃陟高山穹碑斯存曰



此我

聖祖駐蹕之察罕七羅也乃臨巨津厥流渾渾曰此  
我

聖祖逐北之克魯倫河也庶草尙茁於荒磧流泉自  
涌於沙陀歎真宰之效靈閱萬禩而不磨狼居胥麓  
大河之濱有選我師氏羌萬羣跪有羔禮行如雁臣  
聆

天語之纏懇抱馬足以驩呼誓務面以歸命願執戈

以前驅會二軍於伊犁收青海之游魂降四部之台  
吉繫渠魁於轅門走名王而負矢靖游牧之窟穴鼓  
勁風而掃敗葉回日月而照霜雪杭靄陳兵則陣雲  
崢嶸玉關報捷則天馬躑躅魁草面逃聽望風崑  
崙月竄疆宇大同護羌所制屬國所通

帝有錫命嘉乃膚功

帝有大猷蘇彼困窮新甿澹於沉災枯瘠起於溝中  
露版宣檄檻車徵俘前軍凱歌振旅旋都澍雨洗兵

溫風扇旆鼓喧喧而競陳緹騎駁駁而交會歸蘭  
錡於武庫之藏數軍實於司馬之會益猶是周官蠲  
鬯服不衛良除害又如講武西郊一殪夫奚豕與封  
狼遂合圍乎天山青海之外於是冊府啟

絲綸宣肆類

上帝威秩名山精禋格於

七廟告成事於在天懍

珠邱之靈爽練時日以薦虔念孝治之不遺欣普天

之同歡熙

鴻號於

慈寧沛闔澤於八埏磨蒼厓以紀績頌大賚於秋原  
百禮舉

皇情舒天門洞開劍佩羣趨儼東西之分序輯五瑞  
以合符受下國之共球覽王會之全圖椎髻鬣首之  
倫緩耳雕腳之衆蒙奇兕勒之譯山川珍寶之奉生  
金丹砂之獻禽管路竹之貢止戈修文織錦成頌舞

邱羌之翔鸞儀西申之鳴鳳舍以上林葡萄之園館  
優以牲牽餼廩之常供穆穆乎鴻臚之班序雍雍乎  
理藩之迎送莫不畢湛露之三爵沐太和以愔愔顧  
遠人其何幸庇覆載於高深相西醜之怙惡若穹谷  
之自沉願依天而有路永親上而同心粵稽卮魯特  
效順於

國初也貢其九白以倡西北諸國厥後金山陸梁自  
取誅殛苞有遺孽奄焉假息於今六十年矣運有流

而必返物無往而不極今且授以歲時里其疆域血  
氣之倫盡取而亭毒之殖有禮覆昏暴時惟欽崇代  
天工也虞格載於二典殷克垂於大易時惟不釐得  
聖師也祇覲揚於

世室儼陟降於左右時惟作配繼志述事之大者也  
然則景命方迓大同之期叶氣流春九垓均禧方將  
使拂蒜獻其神鳥林邑輸其名香軒轅格其壽民吉  
雲貢其天漿綿西宇而橫南極被青野而亘元方象

來致福惟休無疆豈徒規撫虞夏約畧漢唐誌怪奇  
於山海之荒忽誇盛美於史氏之鋪張云爾哉敬作  
頌曰

皇撫景運澄八遼兮有狡憑險跽以跳兮天弧右彎  
落妖旄兮雷動風散

聖武昭兮經緯日月周索包兮灑灑和寧干戈韜兮  
乾亨坤慶鴻鈞調兮杞梓競敷蘭蕙翹兮梧禽激響  
麟在郊兮天酒五采成甘膏兮霑灑萬里來青霄兮

小臣

和聲備歡謠兮

三十一

三十一



平定準噶爾賦

謹序

紀昀

臣聞弦弧剡矢肇自皇初帝王保大定功莫不  
式辟四方奮揚威武伏考夏征有扈大戰于甘  
商伐鬼方三年乃克六月江漢常武諸詩發揚  
功烈鏗鉤炳耀矣然南不過淮徐北不過太原  
求其震疊威靈有征無戰奏膚功於指顧揚天  
聲於萬里粵稽書契未之前聞欽惟

皇帝陛下斟元陳樞撫臨函夏桐生茂豫壘處霆聲

日月所照莫不砥屬準噶爾以元人牧圍竄伏  
西荒蠶食諸蕃寢成四部恃其險遠睢盱不賓  
列聖以來屢干撻伐玉門絕徼三窟猶藏近乃窳匿  
輿鞬更相攘奪拊離日貳送搆覺端因使達瓦  
齊赤虺白狼乘機竊據毛鷲搏噬部曲離心休  
屠渾邪之名王呼衍須卜之貴種莫不籲求

天討率衆欵闕此皆至治馨香三靈助順故天人合  
應代我驅除衆驗響臻大勲顯兆

皇帝規萬年之計答

眷作之心命將出車戢凶禁暴牙璋方啟捷書旅來  
鋒蝟斧螭莫敢齟齬不煩涿鹿之戰盡歸白阜  
之圖後舞前歌渠魁已繫告成

太廟靈緒益光唐哉皇哉厥功至鉅夫兼弱攻昧殷  
土式廓觀光揚烈周道爲盛至於兩階來格三  
旬靡迓雖放勳重華德盛化神未臻斯驗也彼  
燕然之銘蒲梢天馬之歌益茂加已臣載筆翰

林職是歌詠謹拜手稽首獻賦一篇抒歡忭之

忱揚

聖天子之鴻業其辭曰

海蒙大淵獻之歲仲春之月

皇帝飭軒轅之五兵申周官之九伐召司馬以振鐸  
命元戎以秉鉞鞭列缺與雷碾捐機槍於月窟將蹴  
天柱之嶒嶸厯崦嵫而弭節蓋大一統之規模蕩平  
西域之餘孽也原夫準噶爾者昔在有元攻駒監牧

執其羈勒馴爲臣僕和林北徙以分庭瓦刺西行以  
別族脫懼擁衆於臚胸額參出沒於雞鹿東突盧龍  
西抵苦峪控弦十萬飛而擇肉明十三朝未能燬溫  
禺而禽曰逐養罕以還乃溲微於卜六我

皇清提挈天綱奠爲荒服迨九首之奇鶴關岑陬與  
大祿驅妖鳥以西飛析昆彌而兩屬隔越龍沙蚊行  
蟄伏俄裒頑以鞠凶迺憑陵乎氏羌而肆毒爾其據  
康居掠焉耆蹴于闐躡龜茲凌小宛捲扞彌包西夜

絡無雷跨姑羌與且末越輪臺與渠犁莎車鄯善疏勒姑師陽關二道烏壘所治十薦食其八九殆西薄於條支盤伊犁爲窟穴藏封狼與貙羅擊鞬右臂實在於斯其境東巴爾坤西哈薩克抵鄂羅斯之南紫烏斯藏之北內瞰則伊吾柳城高昌舊國卻背則月氏屬賓大宛安息出五郡之故疆沙河源於絕塞蓋距

帝京者萬有一千三百餘里尙綿延而未極其險則

陰磧摩天流沙界域兩戒蜿蜒嶺峯崑崙南絡乎博  
克大山接嘉峪之關路嶺壘以欹側北盤乎阿爾泰  
嶺據大地之脊攀星斗以仰逼杭靄分支出乎其肋  
日月吞吐雲霧蔽匿猿狖爲之却步飛鳥爲之斂翼  
別有塔爾奇嶺嶮逾邛笈洪河中坼界其闔闔苟持  
戟以當關雖萬夫其莫陟是以豺虎縱橫恣爲凶慝  
白環之貢不修南仲之師屢棘宜禾之尉罷屯契苾  
之碑久泐微

聖代之天威固莫能控制以銜勒昔噶爾丹之逆命也

仁皇帝操井鉞揚參旗驂蜚鹿駟蒼螭驅谷蠡馘屠  
耆凌姑衍震燕支總桓桓之七萃凡三駕乎西陲鞭  
應龍於大野取蚩尤而戮之姑旁存其一綫示解網  
之鴻慈爾乃涸鱗更跳妖鳥難馴銜干奮舞馳突風  
塵窺我瓜沙之屬國納我青海之畔臣赤囊旁午白  
羽紛紜



憲皇帝審五稔之未盈用偃革以寧人戊巳校尉屯  
田將軍九象之力繫金鑠而守以庚辰蓋待天時之  
至而後撻伐是申也

皇帝是以揆人事測天意審地形定軍勢因搏噬之  
相殘知猘獮之將蹶緬巾机之銘辭曰日中其必隳  
玉弩西垂雷霆砰礚降王執梃前茅揭旆張兩翼以  
合圍若獮禽於月竈羌角之而掎之俾顧腹而失背  
西則交河之戍天山之口蒲海蕩滴火山爛吼巨靈

肇山以前導河宗鼓楫以左右太白荷笈以旁驅辱  
收抗旌而奔走奮雄劍而一動蹴雪山猶培塿北則  
東受降城拂雲之祠跨真顏摩浚稽渡匈奴河越眩雷  
召燭龍使炳夜嘑元武以揚麾倏籥雲以颺捲紛冀  
馬與燕犀直歷乎陰山之北而出乎白龍之堆爾其  
移玉帳傳金柝騰白鵠鞭雷駁淬芙蓉礪龍雀占太  
乙與河魁役羆虎與雕鷲巨礮飛屑以辟歷鼓角殷  
地以回薄山精瑟縮以遜藏狼星睽睨其欲落意困

獸之猶鬪或窮鳥之必攫矧鯨鯢之千里不跋浪而  
一躍而乃五城翎侯二部昆莫降旃蟲蟲千羣面縛  
奉

詔書而稽顙信

王師之除虐毳幕瓊墻左璫瓔珞登豆獮羊馬酮乳  
酪膜拜獻犒衽摩履錯卽有彫虎黃熊飛狻健獮傳  
尺檄而定之皆弭首而就羈絡故師之行也迅乎若  
長風之捲霜籟沛乎若洪流之赴巨壑崇闕徹其闕

闐復嶺失其峯峭叱鼉鼉以爲梁渡伊犁猶一勺迫  
游魚於沸鼎辨棲鳥於空幕左軍未濟右師已克飲  
馬濛池洗兵鹽澤犁庭掃閭曠然大漠刈苜蓿以爲  
芻引蒲桃而滿酌檻已繫之飛狐追突圍之巨獬張  
天彈與星弧擊靈鼓而大索威稜之所衝激猛氣之  
所凌轢鶴唳風聲中宵駭愕引虛弓而下之若驚鴻  
之間繳益不待花諾海西之奔潰與圖爾滿部之就  
獲醜旅八千已知其一呼而盡卻飛走路窮可以縛

兜題於槃橐于是插羽書馳列校日六百里飛黃騰  
蹕疊跡躡影捷音還到五月壬辰告收西徼藉場艾  
旃驅除虎豹伏莽百年歸我不冒紹

聖祖之業繩武以維肖成

世宗之志繼述以克孝

列聖以來馨烈彌耀

圓壇

方澤精禋申報

社稷是歆執律而造昭薦

先師列懸振詡

鼎湖珠邱涓辰遣告練六月朔獻于

太廟華蓋上垂勾陳引導駕十二龍黃屋左纛雲旂  
摩盪曰珠熠燿播七德以象功揚朱干而舞蹈薦大  
房之馥芬赫蕭火之煬燎讀版陳辭

光靈煜照是益王師大獻之禮司樂之所掌樂師之  
所教者也越七日巳酉詎曰惟良

皇帝詣

壽康宮恭奉

寶冊煒煒煌煌神龍盤紐精鏢栗黃雲篆璘璣亢籟  
軼倉副以金簡青瑤爲章鴻文葳蕤苻采炳煥崇  
徽號以十二頌

慈訓而顯揚慶荒裔之救寧祝

聖母之樂康善必歸

親孝治是光遂闡闡臨正位御

太和殿萬靈祗衛龍旂肅穆以交拱翠竿卷舒於雲  
際綵鞭奮響乎天半銅鶴噓香乎鉞砌委珮琤琤華  
纓容裔九拜奏賀東西雁綴爾乃渙汗大號行慶施  
惠百神歆沃萬物沾漑金雞揭竿以翹立木鳳銜書  
而下墜

丹詔一降甘雨立霑合萬國之歡心感陰陽之和會  
蓋中外一家功成治定與天下同慶之意也望後二  
日獻俘禮行於



廟於

社昭告薦馨翼日庚申

皇帝御五鳳樓栢戟夾陛肅肅魚鈴司馬司寇左右  
祇承赭衣頰頰組練交縈擁以斧鉞聲以金鉦獲免  
免於旣脫檻雄虺而就烹囚貳負而右桎戮防風而  
抗稜釋爰劍以爲隸準無弋之初名旣而西蕃外裔  
逖聽風聲水懾陸慄效順貢誠捕樓蘭以對簿繫頡  
利以擒生振赤豹之長距鍛蒼隼之修翎束以犀革

繫以長纓厥孥七十盡族以行望虹旃以傳送拜霓  
旌而屏營馳檻車以詣

闕待藁街之明刑大憝旣翦坤宇又寧六月庚戌西  
域悉平大書露布揭以朱旌十二晝夜報達

紫庭歌舞交於朝市愉樂洽於萬靈四極四和永定  
永清乃命大章豎亥之流隸首容成之屬循黃祇之  
支絡步道里之盈縮驗分野於昴躔考中星于昧谷  
測珠斗之高下證銅渾之遲速七十二候頒示蕃族

三十六國咸遵正朔浩乎大哉此王道之極盛而三五之遐躅也是以百辟卿士陳書獻議輯采芑之雅述征苗之誓作典寶於三腹校兵占於黃帝灸汗青以紀載授蘭臺而編次別采飲至於學之文準在泮獻囚之義樂石銘功靈鼈負屭乾坤之容莫能藻繪响嘍龍畫

聖謨垂制配十鼓於辟雍掩填金之寶氣教化之源觀光所萃瞻拜赤文摩挲綠字於鑠鴻猷永昭垂於

萬世是役也動乎九天之上決勝萬里之外建斗極  
以握奇規地圓而執契葱嶺之陬視如閭內開陵之  
屬役如僕隸熊虎之臣運如指臂不須乎授鉞登壇  
禡牙軍祭出偏師以臨之蹴鐵山而立碎方叔召虎  
莫能測其機風后力牧莫能效其智按六經而校德  
合雜攝提未屈指以一二然而

皇帝方穆乎深思持盈保泰謹馭貴之大權示宴安  
之炯戒震動恪恭式序在位復與天下沿溯乎道德

之源磨礪乎鄒魯之治備九獻與八佾觀車服與禮  
器天保采薇文經武緯且將法周室之四巡準虞書  
之五歲喬嶽懷柔翁河哀對獎力田勸孝弟采風誦  
禮耆艾功彌大而彌勤卜億齡之永賴聲靈赫濯湛  
恩汪濊紉縵乎三光之昭明沕穆乎五氣之暢遂坎  
北乎元萌黃芽苞二儀而涵蓋神州赤縣圓顛方趾  
之民其孰不以手加額稽首至地乃作頌曰

河源星宿九折朝宗山祖崑崙環絡趨東參狼白馬

詎外併蒙

皇耆其武四海大同太和燭燭是傾葵藿春雷震震  
昆蟲咸作碎葉西臨取章式廓波濤不驚星緯咸若  
於赫鴻業光我

五葉我武維揚我仁孔洽既畏既懷匪餌匪脅豚魚  
胥孚鼓桴喻捷孚彼遠人咸飲我醇鷹化爲鳩感我  
陽春灑灑元氣太和網緼臣作頌聲播示無垠

平定準噶爾賦

朱筠

大清受命

列祖

列宗天幬地垠日月之中四海之外我臣我隸今

上卽位以來修舉典制謁

三懷幸闕里登東岱巡乎大江之南以省問民事西  
南平金川東北蒙古諸部悉爲內藩

天子歲嘗冬狩木蘭所以講武而威

天顏焉近則俄羅斯高麗琉球安南數十國之屬奉  
朝受贄遠則西洋之域槎海晞日者以數萬里計莫  
不循東風謹方物十年而一受吏

皇帝曰嘻上下兩間孰不予臣惟西荒準噶爾實有  
元之臣僕據西極之沙鹵策妄策凌世惡誇詡遠作  
不靖爲邊萌苦昔我

皇祖聖祖蓋親征三駕其部

皇考世宗所以命將出師欲殲其魁犁其庭而翼其



子也粵

二帝未克翦之志付畀其在予予一人念之二十年  
一日其敢暇夫其道里之寥閔瀚海亘乎中央宵瀟  
漫以秋春草木失其青黃飛鳥下啄而譙羽戛獸索  
飲暘趨而狂羲輪下燒乎空磧水泉涸而不揚平沙  
汨其千里仰天蓋之茫茫內屬龍堆外薄葱嶺樓蘭  
車服取道越境負康居而擁大宛敞覓五色天馬之  
影其俗控弦者酒而猛域中萬里有衆四部台吉宰

桑逐水打牲各治處所儵聃走徙剽若風雨人不知  
信背欺面詐蠢爾抗衡利我寶貨天後其心并蛙自  
大益自

仁皇

憲皇秉白鉞仗黃鉞方宥夫驕黠締遠之誅乃彼昏  
不知兵在其頸而美自活也人之興妖鬼神助之於  
時喇嘛達爾扎以孽子行逆達瓦齊以亂臣竊據哈  
薩克之師掠其邊場噶爾丹多爾濟之衆守其部署

渠魁酒醉酋曲惶悚迷鹿昏烏顛倒跳翥以故台吉  
策凌策凌烏巴什等暨阿睦爾撒納等去逆效順畏  
蜺忻雨款關而籲乎

上國者萬有餘戶

天子曰咨其厚勞來者朕將享之熱河以親決所便  
宜惟十九年秋七月

皇帝至於熱河受降者朝於是蘇籛附墨之屬輿鞮  
窳匿之曹雜還歡喜鬪呀詰聲名王兀其屏息撞大

鏞而伐磬導臚列而拜舞循鉞砌而上高揚

天儀于咫尺步震恪而不躄赤日曛其照心敢自外乎荒要降侍燕而醉飽樂無涯乎所遭曰

天子其福我願先驅而負駿乃用

錫命乃賚赤芾於喀爾喀處其部率渺雄畧與大度咸推心而置腹九月

皇帝有事於

三陵而躬默禱出師於

列祖之寶城謚思精意神明周流陟高山而降原想  
風雲之未收手拊摩乎弓矢似乘翠黃其來遊目若  
凝乎望羊耳若提乎貽謀曰元孫其上告在西戎之  
巨酋彼荼毒其部人

皇天赫其鑒劉繫世擾我藩籬固

列聖之所讎獺毆鱗其沍集獸害豺而空投請洗兵  
以救焚紹我

祖之用休然後六飛翩翩回輿乎京師

天子曰嘻白準噶爾逆亂不道數十年于茲厥野枯  
魚收有獍鷃

皇天命朕中外稱制實惟五刑之討九伐之法在我  
其出師誅厥大憝以救頒黎爰

命將軍標西北而並進以其來者爲副將軍授之節  
鉞致敵而前叅贊諸臣左右厥功謀成勇發鷙攫虎  
騰輝燁焯焯天兵出關於時軍容之所叱撝師行之  
所經涉霆聲電芒摩拂歎欽駙以龍文魚目之馬被

以文璫通犀之甲利乎楛羌鄙善之鐵險乎懸度風  
災之峽凡夫西戎長技之所恃于焉倔彊者蓋我師  
不煩勞而戢善而况乎

天廟之算神武之籌卽用其人以決其捷所以有征  
無戰問罪人而弔國邑固塔然彼醜之若兔蹄而豚  
豈也爾其師律所向闐闐廣張地鼓鳴而裂堅天爐  
燒而照空呼三軍而作氣雪嶺蒸其中通長塗憩以  
飲馬跳流沙而行康莊先聲嚆而動九天瞰投戈乎

烏梁繞兔嶺而踰索爾颿凍雪而不僵聿二瑪木特  
之所鵠蚌鬪而相戕我軍闖其探穴拔兩猛乎麗雙  
迺遣壯士賞

詔馳重譯而告令曰我誅其敗羣而牧夫牛羊噓來  
者爲我貌貅而用執爾貪狼遂躡乎噶爾丹之部其  
台吉來效忠願出兵以載橐駝處者糧而不藏乃有  
額林少年兄弟宰桑和卓木之戶捧玉盤而踉蹌儼  
三駿於俘寶獲其人之尤良是時大軍葢莅乎五集



饗也聞酋首其酒荒咸厥角而鸞前旗狀飛霰沃乎  
沸湯拊布錫而併庫特擒賊使者以降蠹大燾其行  
野靡乎博羅之源而搜山梁陘隘業義萬里空濶竇  
露雀穗所過飢渴覆冰而暄肉骨而活熾絕域就乎  
熟路廣袤險易若作甘霖而滿蟻穴惟羅卜藏丹津  
昔青海之叛藩敢逋逃而煽敵不卽誅者三十餘年  
日轂下馳螭臂力殫一螟二蝮投身轅門將軍執之  
檻車送行有巴朗之二醜鴟在林而忽翻閃列缺以

下搜炤三窟而收游魂罪人纍其旣得焯萬軍而諱  
謹粵以二十年五月朔我師直抵乎伊犁諸部台吉  
率先爭來自河之南極河以北杖戈服劍面東背西  
咸願出兵執達瓦齊喇嘛回人黃弁素佩牽羊昇酒  
除塵進灑台背黔額婦子穉孩距踊左右日夜我俟  
以故皮幣壺漿之誠顏色喁喁之態颺清日潔源源  
熙熙若民生不知挾夫弓矢而謳謠匍匐今日迺見  
天子之德威於焉軒四維畢九垓五精握兵風與雲

游妖鳥困而跼翅狂獸窮而側掌撼霞幡而懸月鏡  
光不逃乎魍魎空漫漫其失路上直視而目矐山林  
穢其駭人俄藏身而疑影甘白首而怯內慴高厚而  
俯仰夜砲鼓其乍轟萬馬嘶而脫鞅螭渠魁其墜心  
羣醜橫分而不黨遂盡收其毳幕而俘其少長彼達  
瓦齊迺蹢躅躑躅迷穴伏莽走和集斯伯克泚乎橫  
江之鱗遮而投網曰俯取以燎而我用休享夫其出  
師半載以往戎衣不更縱師糧不數餉唐弓夏箭未

嘗抽長戟利矛未嘗盪韜策之士無所發其奇賁有  
之倫無所試其勇而自東行西萬里大廣下刻土版  
上列宿景樹之藩屏丁其襍襪惟

皇帝神靈被格古無以上意者天將轆媯德而屆媯  
妣跡而昉也大捷布

聞四達照曜于焉鸞輅和雞人踰大禮盛樂鏗鏘旖  
旒用告成功於

太廟羣臣同聲請上

尊號

皇帝曰都予仰惟

祖考明德非常之功自遠來告非予一人之力羣臣  
歸德於予朕愬慝焉惟

皇太后聖德自天所極東西南北輪廣晷晷罔不心  
服矧西戎萬里近在九譯者哉朕臨天下亦惟蚤夜  
祇受

皇太后之教用集大烈如天之福其崇上

徽號以展朕意羣臣咸頓首曰大哉

孝德六月己酉

皇帝躬至於

壽康宮奉上

寶冊鉅典焜煌仗列華燄羣臣次進升歌樂洽

御太和殿拜舞在職于焉冠佩之容鼓吹之節以奠  
以迎春麗山肅上乎天安之門翥金鳳而召萬國

詔曰五嶽四瀆帝王之藏命官致祭出師諸臣嘉酒

偉烈其爵賞以次中外在事諸臣汝勞用敘京師文武百執事咸晉級有加賚越歲秋春試天下士其廣中式者所在錄囚令赦罪禁嚴讞免逋貸存問無告恩典三十與天下大治然後按鼙鼓之律考藁街之制軍以俘來獻于

廟

社

天子御午門而莅焉繫頸施佩牽入十步縱鉦鳴鼓

百僚咸在司馬上請曰司寇是司所以明示誅宥惟  
帝所置莫不抃舞而觀達瓦齊之俘至曰偉哉今日  
大武之喬皇而鉅典之旆噦也由是崑崙之西身毒  
以外思慕威德咸請屬隸握江歷之珠璣獻壽林之  
葱翠師子大雀四靈之瑞古黃茲白萬里之騎玉門  
羸金天歇陳幣白日所入朔日所出所以騰於郵驛  
者灼爍乎其相繼於斯時也百年見虞樂周禮之興  
六職由文事武畧之選四民以十言五教爲常九海



以丹甕白珫爲近由榦而枝萬末一本而况

天子黃幄獨斷萬里之外以通未嘗貫一鏃染一鋒  
者奇功也奉

皇太后讓善崇名敷其文教至以窮髮之北爲玉食  
地供娛色笑古者以天下養安得較乎此大孝也天  
下岌然而稱曰巍矣極矣莫與則矣而

皇帝方淵然雲牖松棟肸鬻醞假之是卽與夫

列祖

列宗所以震鬯思默者方且稟顛頊圖矩之訓慎伊  
耆山埳之戒前陳宥坐之器旁求芻蕘之得日珥星  
景而所其無逸夢牧卜獵而箴于有位黃雲大穗輸  
其祥而一夫勒乎扇暘白麟奇木昭其應而四維稟  
乎朽索左詩右書鏘金戛玉迺召夫庭堅伯翳之儔  
日月朝夕相與勗都俞而做叮咛若此乃所稱

至德也曰三至善而不居遵皇極之正路用垂則於

世世在金版與玉鏤惟小臣之蠡測謹珥筆以奏賦